



---

---

**Comhad Idirinstitiúideach:  
2022/0413(CNS)**

---

---

**FISC 200  
ECOFIN 901**

**NÓTA MAIDIR LE MÍR "I/A"**

---

Ó:	Ardrúnaíocht na Comhairle
chuig:	Coiste na mBuanionadaithe/An Chomhairle
Ábhar:	Treoir ón gComhairle lena leasaítear Treoir 2011/16/AE maidir le comhar riaracháin i réimse an chánachais - Glacadh

---

1. An 27 Samhain 2020, d'fhorpheas an Chomhairle na Conclúidí 'maidir le cánachas cothrom agus éifeachtach i dtráth an téarnaimh, dúshláin chánach a ghabhann leis an digiteáil agus dea-rialachas cánach san Aontas agus níos faide i gcéin.' Aithníonn an Chomhairle go bhféadfadh an baol a bheith ann, de dheasca na forbartha gasta agus na húsáide méadaithí i dtaca le modhanna malartacha íocaíochta agus infheistíochta ar fud an domhain – cuir i gcás na criptea shócmhainní agus an ríomh-airgead – go mbainfí an bonn den dul chun cinn a rinneadh le blianta beaga anuas maidir leis an trédhearcacht cánach, agus go ndéanfaí calaois chánach, imghabháil cánach agus seachaint chánach; agus go bhfuil sé tábhachtach plé a dhéanamh ar an leibhéal teicniúil ar conas na rialacha maidir le comhar riaracháin laistigh den Aontas agus ar an leibhéal domhanda a nuashonrú chun aghaidh a thabhairt ar na rioscaí féideartha sin<sup>1</sup>.

---

<sup>1</sup> 13350/20, pointe 36.

2. An 7 Nollaig 2021, chuir an Chomhairle in iúl sa tuarascáil chuig an gComhairle Eorpach maidir le saincheisteanna cánach go bhfuil sí ag súil go gcuirfidh an Coimisiún Eorpach togra reachtach síos in 2022 maidir le hathbheithniú breise a dhéanamh ar Threoir 2011/16/AE maidir le comhar riaracháin i réimse an chánachais (DAC),<sup>2</sup> i ndáil le malartú faisnéise faoi chripteashócmhainní agus rialuithe cánach do dhaoine saibhre<sup>3</sup>.
3. Thíolaic an Coimisiún Eorpach togra le haghaidh Treoir ón gComhairle lena leasaítear Treoir 2011/16/AE maidir le comhar riaracháin i réimse an chánachais (DAC8) an 8 Nollaig 2022<sup>4</sup>.
4. Is iad seo a leanas príomhchuspóirí an togra reachtaigh seo:
  - (a) raon feidhme an uathmhalartaithe faisnéise faoi DAC a leathnú chun go gcuimseofar faisnéis a bheidh ar sholáthraithe seirbhísí cripteashócmhainní a thuairisciú maidir le hidirbhearta (aistriú nó malartú) cripteashócmhainní agus ríomh-airgid. Is é is aidhm don leathnú ar chomhar riaracháin le go gcuimseofar an réimse nua sin cabhrú leis na Ballstáit aghaidh a thabhairt ar na dúshláin a bhaineann le digiteáil an gheilleagair. Leagfar síos i bhforálacha DAC8 nósanna imeachta maidir le dícheall cuí, ceanglais tuairiscithe agus rialacha eile is infheidhme maidir le tuairisciú arna dhéanamh ag soláthraithe seirbhísí cripteashócmhainní agus léireofar sna forálacha sin *Crypto-Asset Reporting Framework* ('*CARF*') [an creat tuairiscithe maidir le cripteashócmhainní] agus an tacar leasuithe ar *Common Reporting Standard* ('*CRS*') [an comhchaighdeán tuairiscithe] a d'ullmhaigh ECFE faoi shainordú G20<sup>5</sup>. Is é G20 a d'fhorghuainigh *CARF* agus na leasuithe ar *CRS*, ar croíchodanna breise iad, dar leis, de na caighdeáin dhomhanda maidir le malartú uathoibríoch faisnéise<sup>6</sup>.

---

<sup>2</sup> Treoir 2011/16/AE ón gComhairle an 15 Feabhra 2011 maidir le comhar riaracháin i réimse an chánachais agus lena leasaítear Treoir 77/799/CEE (IO L 64, 11.3.2011, lch. 1).

<sup>3</sup> 14767/21, pointe 59.

<sup>4</sup> 15829/22 + ADD1 – ADD5.

<sup>5</sup> <https://www.oecd.org/tax/exchange-of-tax-information/crypto-asset-reporting-framework-and-amendments-to-the-common-reporting-standard.pdf>

<sup>6</sup> Dearbhú Cheannairí G20 in Bali an 15-16 Samhain 2022, pointe 31.

([https://www.g20.org/content/dam/gtwenty/gtwenty\\_new/about\\_g20/previous-summit-documents/2022-bali/G20%20Bali%20Leaders%27%20Declaration,%2015-16%20November%202022.pdf](https://www.g20.org/content/dam/gtwenty/gtwenty_new/about_g20/previous-summit-documents/2022-bali/G20%20Bali%20Leaders%27%20Declaration,%2015-16%20November%202022.pdf))

- (b) raon feidhme na rialacha reatha maidir le malartú faisnéise atá ábhartha ó thaobh cánach de a leathnú trí fhorálacha a chur san áireamh maidir le malartú réamhrialuithe trasteorann a bhaineann le daoine aonair a bhfuil glanfhiúchas ard acu, chomh maith le forálacha maidir le malartú uathoibríoch faisnéise faoi dhíbhiní neamhchoinneála agus ioncaim chomhchosúla, chun na rioscaí go ndéanfaí imghabháil cánach, seachaint cánach agus calaois chánach a laghdú, ós rud é nach gcumhdaítear an cineál sin ioncaim i bhforálacha DAC atá ann faoi láthair;
- (c) roinnt de na forálacha eile atá in DAC cheana a leasú. Is amhlaidh a fhéachtar sa togra le feabhas a chur ar na rialacha maidir leis an Uimhir Aitheantais Chánach a thuairisciú agus a chur in iúl, chun gur fusa do na húdaráis cánach na cáiniocóirí ábhartha a shainaithint agus na cánaigh gaolmhara a mheas, agus leasú a dhéanamh ar fhorálacha DAC a bhaineann le pionóis atá le cur i bhfeidhm ag na Ballstáit maidir le daoine nár chomhlíon an reachtaíocht náisiúnta maidir le ceanglais tuairiscithe arna nglacadh de bhun DAC.

5. Tugadh an tuairim ó Choiste Eacnamaíoch agus Sóisialta na hEorpa maidir leis an togra reachtach seo an 22 Márta 2023<sup>7</sup>. Eisíodh tuairim an Mhaoirseora Eorpaigh ar Chosaint Sonraí an 3 Aibreán 2023<sup>8</sup>. Glacadh an tuairim ó Pharlaimint na hEorpa an 13 Meán Fómhair 2023<sup>9</sup>.
6. Iarrtar ar Choiste na mBuanionadaithe, dá bhrí sin, a mholadh don Chomhairle an gníomh seo a leanas, mar a chuir na saineolaithe dlí agus teanga bailchríoch air, a ghlacadh mar mhír ‘A’ ar chláir oibre cheann de na cruinnithe a bheidh ann amach anseo:
- Treoir ón gComhairle lena leasaítear Treoir 2011/16/AE maidir le comhar riaracháin i réimse an chánachais, a leagtar amach in 10215/23 FISC 115 ECOFIN 566.

---

<sup>7</sup> Doic. ST 8088/23.

<sup>8</sup> Doic. ST 8283/23.

<sup>9</sup> P9\_TA(2023)0315.